

Was passiert

Pedi Fritz

Was bringt mis Lebe no in Zuekunft, ich bin jetzt Mitti 20
scho viel mitgmacht, aber au Vieles verhängt
spiele immer na gern Schlagzüg inre Band
ab und zue findet au d'Gitarre de weg id Händ, jauw
verbringe gern mini Ziit, mit bashtle vo Beats
es spielt mer kein Rugel i wellere Kategorie
doch wo füehrt de Weg wohl hi
blieb i da ide Schwiiz oder verlahni eu glii
lebi irgendwann vo Musik oder wirdi Pilot
vielleicht dreihi bald emal dure und gsehne rot
chauf mer es Boot und fahre devo
oder mache es Tierpfleger-Praktikum im ne schöne Zoo
aber eigentlich chunt's ned wüekli druff ah was passiert
ich han mini Ziel gsetzt und de Weg rot markiert
heb dra fescht, so lang das alles funktioniert
und wenn's Schluss am End nöd klapped hanis wenigstens probiert jauw

2 x Ref

Was passiert i eusem Lebe, weiss ä kein Mensch
wichtig isch de Drang nach Tate, i eusere Welt
drum werdemer dir schnell verrate, wie das erchensch
glaub a dich Brüder und kämpf, es wird der nüt gschenkt

Badi

Ich glaube fest dra, das alles guet chunnt
lande mit em Gsicht uf em Bode, denn spucki Bluet und
scheiss uf diä Gsetzt da, ich bin parat 365 Tag im Jahr
Sanic Production motherfuckaah
ghör de Beat knalle
und scho juckts ide Finger immer schlimmer, hangi i de Falle
100 Prozent schaff i dra, bruch nöd viel zum überlebe
doch ich wot's ha, gahne Schritt um Schritt uf däre Stege
lebe imne Hööch
vielleicht bini au wiedermal dune, ha nöd immer im Lebe gunne
fülle mini Reserve uf, mit Blick nach obe
wenn ich seg mir isch alles im Lebe glunge, denn hani gloge
wenn de Blitz ihschlaht, denn hani Pech
mal luege wie Ziet staht, wie wiet das es gaht
wenni tschau seg, denn miteme Lache
luege zrug und weiss, ich hets nie besser chöne mache

2 x Ref

S.E.B.I

Wo wird ich i 20 Jahr sii, isch denn alles verbii
leb ich innere Villa und hürate glii
oder bin ich arbeitslos, glücklos, sinnlos, hoffnigslos
nei das wird ich nöd, ich mach's wie de Kroos
wie und was ich bin, das chan mir keine sege
wichtig isch das machi für mis eigene Leebe
bin ich en diene Rapper, gspüri jede Tag de Rege
hocke im Chloster und wart uf Gottes Sege
oder en psycho Mutherfucker, gahn mal weg ich schick dich weg da
wird mis Lebe wie im Film, en üble Blockbuster
in Jamaika mit Rasta, am Strand und frisse Pasta,
Brüeder häsch Gras da, ouu ja ich wirde Spass ha
Chille und Grille, nur no min eigene Wille
Schwiizer Rap no am kille und am Schluss no verfilme
eegal, Hauptsach s'gaht mr guet debi, das wärs vo mir gsi
ich gah is Liecht S.E.B.I